

樹

藝

篇

樹藝篇總一

穀部七卷

蔬部六卷

草部四卷

草部藥品上下二卷

木部四卷

果部十卷

新編樹藝云篇

穀部第一

第一卷

黍

稷

第二卷

粱

粟

第三卷

稻

第四卷

治稻田法

第五卷

麥

第六卷

豆

第七卷

麻

穀部

黍

有丹黍

有黑黍名秬

赤黍即丹黍米黃而粘可煮食白黍釀酒亞於糯米莖穗低小  
可以釀酒又可作饌粥北人呼為黃黍又名黃米一說黍即黍  
○不散垂而無毛粒粗者今人呼狗尾粟也即黍

稷

南人呼為稷北人呼為烏禾 先諸米熟為飯不粘着味淡而  
香 如黍黑色稷有二種一黃白一紫黑稷苗莖穗葉與黍相  
別故言黍必及於稷一說黍即為黍而另有稷與黍相似但不  
可釀○散垂而毛粒細者今人呼黃稷也即稷

北人呼黍為黃米呼稷為小米黃米葉差大于小米可以釀  
酒小米可以炊飯比黃米小而香予親見北人說如此

稻

本草以糯米為稻米而另立粳米條今人抱稱粳糯米二種為稻  
其粳糯米二種名色甚多不可勝計

稻宜下濕地北方少種而南方以粳米為食糯米正以釀酒  
俗又呼為大米

粟

即八穀中之禾也其粒細于粱米陶隱居云凡云粱米比皆是  
粟類惟其芽頭色異為分別耳

粱

有黃粱

青粱

白粱

青粱谷穗有毛粒青米亦微青而細于黃白米黃粱穗大毛

長穀米俱食麤于白梁而收子少白梁穗亦大毛多而長穀食麤扁長不似粟圓也

莖葉似粟而粒差大其穗帶毛芒牛馬皆不食与粟同時熟

秣食物本草云粟之糲者即秣也尔雅翼黍條内云其類有粘有不粘其不粘者以為飯粘者別名秣以為酒則是又以黍之糲者為秣矣說文又云秣稷之粘者凡有三說今不可考

蜀秣

南名蘆粟北名蜀秣

黍稷在小滿後四五月種

黍粒大於稷乃稷之糯者可以為酒或云亦是稷但分粳糯稷粒小于黍乃黍之粳者可以為飯即黃稌也

### 總論上

黍對高如蘆顆粒大北人謂之黍葛此非黍也正黍結穗如指散垂而不毛者是也稷有粳有糯礼曰明粢此指稷宜為飯者閩人讀梁作大来切此指稷宜為酒者梁有數種有青梁結穗有毛米粒微青而細黃梁穗大毛長米粒畧麤白梁穗大毛多米粒偏長粟唐本草注云粟類多種並細于諸梁按黍稷梁粟

皆北產漳人亦種之人多未識故為必說如此

周瑛漳州府志

予見一主簿乃山西人問以黍稷之別渠云彼處人家所常食者為粟人家多種之呼為穀子穗長尺餘枝長六七尺子細色白黍呼為黍子稷呼稌子黍稷粒比粟稍大或以釀酒或以薦先不常食亦不多種別一種粒大葉麤者北人以餵牛馬非黍也

名錄記

### 黍稷

黍稷爾雅曰秬黑黍秠一稔二米郭璞注云秠亦黑黍但中米異耳孔子曰黍可以為酒廣志云有牛黍有稻尾黍秀成亦黍

有馬草大黑黍有秬黍有溫屯黃黍有白黍有嶺芒鶯鷄之名  
稌有赤白黑青黃鶯鷄凡五種按今俗有鴛鴦黍白蠻黍半夏  
有黍駟皮稌雀實曰糜黍之秣熟者一名稌也凡黍稌田新開  
荒為上大豆底為次谷底為下地必欲熟再轉乃佳若春下耕  
者下種後再勞為良一畝用子四升三月上旬種者為上時四  
月上旬為中時五月上旬為下時下種黍稌與植穀同時非下  
者大率以耨赤為候諺曰耨厘七種黍時燥濕俟黃塲始章切  
種訖不曳耨常記十月十一月十二月諫樹日種之萬不失一  
諫樹者凝霜封著木條也假令月二日諫樹還以月三日種黍  
他皆倣此十月諫樹宜早黍十一月諫樹宜中黍十二月諫樹



宜晚黍若從十月至正月皆諫樹者早晚黍悉宜也苗生隴中  
即宜杷勞鋤三遍乃止鋒而不構苗晚構即多析也刈黍欲早  
刈黍欲晚黍晚多零落黍早米不成比日即濕踐久積則泥鬱爆  
踐多甕年黍踐訖即蒸而裹于劫切之不蒸者難舂米碎至春  
土臭蒸則易舂米堅香氣經夏不歇也黍宜晒之令燥濕聚則  
鬱凡黍黏者收薄黍味美者亦收薄難舂雜陰陽書云黍生於  
榆六十日秀七後四十日成黍生於巳壯于酉長于戌老于亥  
死于丑惡于丙午忌于丑寅卯黍忌于未寅孝經援神契云黑  
墳宜黍麥尚書考靈曜云夏火星昏中可以種黍菽火東方蒼  
龍之宿四月昏中在南方菽大豆也泥勝之曰黍者暑也種者

必待暑先夏至二十日此時有雨疆土可種黍諺曰前十鵠張  
後十鳧裏欲得黍近我傍謂近夏至也蓋可以種晚黍也一畝  
三升黍心未生雨灌其心上傷無實黍心初生畏天露令兩人  
對持長索搜玄其露日出乃止凡種黍覆土鋤治皆如禾法欲  
疎于禾疎黍雖科而米黃又多減及空令穉雖不科而米白且  
均熟不減更勝疎者汜氏云欲疎于禾其義未聞崔氏曰四月  
蠶入簇時雨降可種黍禾謂之上時夏至先後各二日可種黍  
蟲食李者黍貴也

說文云禾入米為黍又黍暑也當暑而生暑尽而收齊民要術  
云凡黍田新開荒為上大豆底為次穀底為下地必欲熟一畝

用子四升三月上旬種者為上時四月上旬為中時五月上旬  
為下時夏種黍與殖穀同時非夏者大率以耒赤為侯苗生隴  
即宜耙勞鋤三遍乃止鋒而不耨詩云維秬維秠秬黑黍也又  
曰秬粱一亩秬黍之別名此言黍之為酒尚矣今有赤黍米黃  
而黏可蒸食白黍釀酒亞於糯秫廣志云黍有牛黍有稻尾黍  
馬董天黑黍此黍之異名也又北地遠處惟黍可生所謂當暑  
而種當暑而收其莖低小土人謂之秫子可以釀酒又可作饌粥粘滑  
而甘此黍之有補於艱食之地也大抵割黍欲晚早則米不成  
宜即濕踐之凡祭祀以黍為上盛古人多以鷄黍為饌貴其  
色味之美也王氏農書

黍米其溫無毒主益氣補中多熟令人煩、本草經

陶隱居云荊郢州及江北皆種此其苗如廬而異於粟粒亦大粟而多是秣今人又呼秣粟為黍非也北人作黍飯方藥釀黍米酒則皆用秣黍也又有稊米與黍米相似而粒殊大食不宜人言發宿病唐本注云黍有數種已備注前條今此通論丹黑黍米耳亦不似廬雖似粟而非粟也稊即稷也其澤後條澄類本草

丹黍米味苦微溫無毒主欬逆霍亂止洩除熱止煩渴、本草經

陶隱居云此即赤黍米也亦出北間江東時有種而非土所宜多入神藥用又黑黍名秬共釀酒祭祀用之臣禹錫等謹按爾

雅云秬黑黍秠一稭二米釋曰按詩生民云誕降嘉種維秬維秠李巡云黑黍一名秬黍秬即黑黍之大名也秠是黑黍中一稭有二米者別名為秠若然秬秠皆黑黍矣而春官鬯人注云釀秬為酒秬如黑黍一秬二米言如者以黑黍一米者多秬為正二米則秬中之異故言以名秬有二等則一米者亦可為汁又云秠即皮其稭亦皮也秠稭古今語之異耳漢和帝時任城縣生黑黍或三四實二米得黍三斛八斗是也圖經曰丹黍米旧不載所出州土陶隱居云北間江東亦時有種而非土所宜今京東西河陝間皆種之然有二種米粘者為秠可以釀酒不粘者為黍可食如稻之有粳糯耳謹按爾雅云蕭蕭赤苗秬

黑黍秬一稭二米釋者生民詩云誕降嘉種維秬維秠維糜

同維芑舊本即嘉穀赤苗者李邕云秬即黑黍之大者名也秠

是黑黍中一稭有二米者別名為秬若然則秬秠皆黑黍矣周  
禮堯人注亦以一秬二米者為秬一米者為黑黍後漢和帝時  
任城縣生黑黍或三四實二米得三斛八斗是也古之定律  
以上黨黑牡秬黍之中者累之以生律度量衡後之人取此黍  
定之終不能協律一說秬黍之中者乃一稭二米之黍也此黍  
得天地中和之氣乃生蓋不常有也則一穗皆同二米也粒皆  
勻無大小得此然後可以定鍾律古今所以不能協聲律者以  
無此黍也他黍則不然地有腴瘠歲有凶穰則米之大小不常

何由知其中者此說為信然矣今上黨民間或值豐歲往往得  
二米者皆如此說但稀闊而得之故不以充貢耳北人謂秫為  
黃米亦謂之黃糯釀酒比糯稻差劣也

證類本草經詩經作秬此疑誤

丹黍米皮赤其米黃惟可為糜不堪為飯粘着難解然亦動  
風

本草衍義

黍亦有杭粳華谷嚴氏曰黏者為黍予少侍先君宦游東廐見  
彼人之所謂黍者苗與粟相似實結穗如稻散垂而不毛者  
是已其苗似蘆高丈餘穗赤黑色實圓而重者彼人謂之黍  
藹非黍也郡人所謂黍蓋指黍藹而言耳

黃仲昭邵武府志

黍本草丹黍爾雅云秬黍秬一稔二米秬是黑黍之有二米者

黍之糯者謂之秫一名黃糯

草木畧

新開豆田為上一畝用子四升春分前後宜用灰土和子種頻鋤三五窠作一叢書云黍心未生雨灌其心上傷無實黍心初生畏天露每日早用簾麻散綫長繩上令兩人對持于黍上牽拽抹去其露則不傷黍刈黍欲早黍欲晚諺云黍青噉黍折頭黍稌熟時炊飯又可釀酒擣碎蒸糕以備食用春後皆可種

農桑撮要

三月種秫稌種宜下地春月早種收多其子可食稽稌可夾籬寨又作柴燒城郭間貨賣多得濟益也

同上

朱子註詩云黍谷名苗似蘆高丈餘穗黑色實圓重稷亦

純白齊



穀也一名稌似黍而小常与北人論办黍之形似乃知所謂苗似蘆高丈餘者即今南方名蘆粟北方名葛秫其幹名秫稭者是已盖自是一種非黍也其所謂一名稌似黍而小者此乃是黍非稷也今北人謂黍為黃稌又名黃米粘膩可釀酒則黍之名稌明矣稷与黍甚相似但不可釀酒耳

菽園雜記

黍禾屬而黏者也以大暑而種故謂之黍泛禾兩省声孔子曰黍可為酒禾入水也然則又以禾入水三字合而為黍不但徒雨而已黍以大暑而種故農家以三月上旬為上時四月上旬為中時五月上旬為下時然今仲夏之月農既登黍矣天子以雖嘗黍羞与含桃先薦寢廟為鄭說者以為黍非新成

直是旧黍盖以鄭解孟秋所登之穀為黍稷故以仲夏為未  
熟若其未熟何得言登且所謂旧黍者自去歲孟冬与粢併  
食數月於此矣豈待今而後嘗耶黍固有早晚其晚者不妨至  
孟秋始熟故庶人秋乃薦黍此天子之礼自重其先熟者而嘗  
薦之耳故蔡邕以為今之蟬鳴黍亦猶十月獲稻而天子所嘗  
乃九月熟者謂之半夏稻亦其類也黍之秀特舒散故說者以  
其象火為南方之穀詩亦云芃芃黍苗以此也又云彼黍離離  
彼稷之苗者黍大体似稷故古人併言黍稷今人以稷黍為黍  
稷行役之人有憂於内則有不祭於外故於此或不能办也黍  
有赤黍黑黍已別見籩稱赤苗恐是赤者其類有黏

有不黏如稻之有粳糯其不粘者以為飯黏者別名秫以為酒

說文秫稷之黏者即謂此也月令造酒命大酋秫稻必齊蓋以

此秫與稻之糯為酒北人謂秫為黃米亦謂之黃糯釀此糯稻

差劣黍之為物黏而香故凡香之釀黍口馥黏之黍戶吳目尼質切黍切

皆從之又古人作履黏以黍米謂之黎其雪桃亦用黍以黍

粘去桃毛也孔子先食黍以黍為五谷之先考桃為五果之

下故捨不用耳黍又擣以為飴謂之饔飴楚辭曰粃粒蜜餌

有饔飴言以蜜和米麴煎熬作粃粒又有美飴衆味甘且也及

屈原死楚人以菰葉果黍祠之謂之角黍爾雅翼

杭黍稷黍以上五縣俱同四明郡志

黍米味甘溫無毒主益氣補中多熱令人煩又云性寒有小毒不可久食宜五臟令人好睡小兒食之不能行緩人筋骨絕血脉不可與白酒葵菜牛肉同食有丹黑數種比粟米略大今北地所種多是秫黍最黏又名黃糯只以作酒謂之黃米酒此米且動風人少食

食物本草

黍米即丹黍也浙人呼為紅蓮米江南種者皆白色間有紅色者名赤粳米味若性溫無毒又有六十日熟喜動氣主咳逆霍亂除煩渴下氣止洩不可合蜜飴糖葵食生痼疾

日用本

草

黑黍

秬黑黍也古者薦籩有白黑形鹽白為熬稻黑即秬也至藏  
水則用黑牡秬黍以享司寒蓋此倣其方之色亦以為酒謂之  
秬鬯既芬香調暢矣若將用則鬯酒入鬱人上得之築鬱金  
草煮之以和此酒則謂之鬱鬱金鬯鬯故鬯人掌共秬鬯而鬱鬱金人和  
鬱鬱金鬯以此也既實之於彘先祭未殺牲之前則以圭璋上瓚  
挹此酒灌地上以求神謂之裸將尔雅翼

璽雅秬黑黍詩曰維秬維秠上一稃二米註此亦黑黍但中米  
異耳漢和帝時任城生黑黍或三四實上二米得黍三斛八斗  
是李巡曰黑黍一名秬黍秬即黑黍之大名也秠是黑黍之

中一稊有二米者別名之曰稊然稊稊皆黑黍矣而春官鬯  
人註云醴稊為酒稊如黑黍一稊二米言如者以黑黍一米者  
多稊為正稱二米則稊中之異故言如以明稊有二等也稊有  
二等則二米亦可為酒鬯人之註必言二米者以宗廟之祭惟  
裸為重二米嘉異之物鬯酒宜當用之故以二米解鬯其實稊  
是大名故云醴稊為酒此云一稊二米鬯人注云一稊二米  
文不同者鄭志答張逸云一稊即皮其稊亦皮也爾雅重言以曉  
人然則稊稊古今語之異故鄭引此文得以稊為稊也

# 稷

稷者五谷之長故陶唐之世名農官為后稷其祀五穀之神与社相配亦以稷為名以為五穀不可偏祭其長以該之稷所以為五谷長者以其中央之穀月令中央土食稷与牛五行土為尊故五穀稷為長又古者號稷為首種孟春行冬令則雪霜大執首種不入蔡邕以首種為麥以麥嘗隔歲而種故以為首而鄭康成以為稷者盖無以考靈耀云日中星鳥可以種稷是一歲之初所先種者唯稷况又孟春正種稷之時而云首種不入即是極寒種不入土不待歲収然後為入也稷又名齊或為粢故祭祀之號稷曰明粢而言粢盛者本之故諸穀因皆有粢名

小宗伯所謂六齎之名物与其用是也杜子春又欲漬酒正  
五齎皆為粱以礼運有粱醑在堂意以粱穀為醑則余四齎亦  
皆以粱穀為之然破五齎從一粱于又不可故後鄭但以為齊  
者以度量節作之更讀礼運粱醑為齊此說之不同者也稷又  
名為稌吕氏春秋曰飯之美者有陽山之稌高誘曰關西謂之  
糜冀州謂緊音稌音說文糜稌也廣雅曰緊稌也穆天子傳曰赤  
鳥之人獻稌百載見今人皆謂之稌然則稷也粱也稌也特語  
音有輕重耳大抵塞北最多如黍黑色稗有二種一黃白一紫  
黑紫黑者豈有毛北人呼為烏黍今人不甚珍此惟祀事用之  
農家種之以備他穀不熟為糧耳

尔雅翼



稷米味甘無毒主益氣補不足

本草經

陶隱居云稷米亦不

識書多云黍與稷相似又有稌亦不知是何米詩云黍稷稻粱

禾麻菽麥此即八穀也俗人莫能證辨如此谷稼尚弗能明而

况芝英乎按汜勝之種植書有黍即如前說無稷有稻猶是稷

穀梁是秫禾即是粟董仲舒云禾是粟苗麻是胡麻黍是大

麻菽是大豆大豆有兩種小豆一名荅

丁合切

有三四種麥有大

小穰匕即宿麥亦謂種麥如此諸穀之限也菰米一名彫胡可

作餅又漢中有一種名泉梁粒如粟而皮黑亦可食釀為酒甚

消玉又有烏禾生野中如稗

步賣切

荒年代糧而殺蟲煮以沃地

蝼蟻皆死蔣亦可食凡此之類復有數種耳唐本注云呂氏春

秋云飯之美者有陽山之稌高誘曰關西謂之麋米冀州謂之

緊黍

音捧

廣雅云緊稌也禮記云祭宗廟稌曰明粢粢天子傳曰赤

烏之人獻稌百載說文云稌五谷長田正也自商以來周并主

之此官名非穀號也又按先儒以為粟類或言粟之上者爾雅

云粢稌也傳云粢盛解云黍稷為粢汜勝之種植書又不言稌

陶云八穀者黍稷稻粱禾麻菽麥即有稌禾明非粟也本草

有稌不載稌即稌也今楚人謂之稌關中謂之糜呼其米

為黃米與黍為仙秫故其苗與黍同類陶引詩云稌恐與黍

相似斯並得之美臣禹錫等謹按陳藏器云彫胡是菰蔣草米

古今所貴彫胡性冷止渴肉則云魚宜菰黍梁按黍亦梁之類

消玉未聞按糜糴一物性冷塞北最多廣雅云糴也如黍黑色  
稗有二種一黃白一紫黑其紫黑者芑有毛北人呼為烏木。

圖經曰稷米今所謂糴米也舊不着所出州土今出粟米處皆  
能種之書傳皆稱稷為五穀之長五穀不可遍祭故祀其長以  
配社呂氏春秋云飯之美者有陽山之糴高誘云閩西謂之糜  
冀州謂之聚皆一物也廣雅解云如黍黑色稗有二種一黃白  
一紫黑其紫黑者芑有毛北人呼為烏木是也今人不甚珍  
此惟祠事則用之農家種之以備他穀之不熟則為糧耳

本草

稷米今謂之糴米先諸米熟又其香可愛故取以供祀然發

純白齋

故疾只堪為飢不粘着其味淡

本草衍義

稷米苗似芦北人名烏木南人名稭為五谷之長味甘性冷無毒發三十六種冷氣病不可多食發痼疾以黍米釀酒解之  
久食令人煩不可同川附子食解若瓠毒

稷乃今之稭也齊晉之人謂即積皆曰祭乃其土音乃無他義也本草左云又名糜子乃黍屬大雅維秬維秠維糜維祀  
秬秠糜祀皆黍屬以色別丹黍謂之糜音今河西人用糜字而

音糜

筆談

稭禾從祭謂可以供祭也其苗莖穗葉与黍難別故言黍必  
及於稭其米用有異也種治之法与黍俱同凡稭味美者亦收

薄難舂割糴欲早蓋晚多零落收訖宜蒸而稟之曝乾舂而為米其米踈爽可炊煮作飯時諸谷未熟可以接飢其色蠟黃其味香美所重特以爲農家之稀饌也

王氏農書

稷

黑粟也

武寧志

稷米味甘無毒益氣補不足又云冷治熱發冷病氣解飢毒其早熟又香可愛目以供祭然味淡諸穀之中此爲下苗種者惟以防荒年耳

食物本草

稷按稷爲五穀之長北方所謂稌米也其杭者宜爲飢其糯者宜爲酒曲礼稷曰明粢此主于爲飯者而言之也甫人讀梁作大來切此主于爲酒者而書之也其實一物以杭粳而別故知

莆人所謂梁則知北人所謂稷矣興化府志

稌稷也中吳惟山鄉高原有種者謂之稌粟其苗類黍其穗

如稻与粟少異蘇州府志

甌治遺事稌米与黍相似而粒大粟黍稌三種諸邑山谷中

間有種者然甚少也八閩通志

稷苗穗似蘆而米可食為五谷之長五谷不可徧祭故祀其

長以配社今人謂之稌閩西謂之糜冀州謂之聚草木畧

稌稷也高鄉種之其色如蠟謂之黃稌其苗類黍其穗如

稻松江府志

秣藁穀之最長米粒亦大而多者北地種之以備缺糧否則  
喂牛馬也南人呼為蘆稌食物本草

穀部第二

梁秫

梁秫爾雅曰粱粿赤苗芑白苗郭璞注曰粱粿今赤粱粟也芑  
今之白粱粟也皆好穀也捷為舍人曰是伯夷叔齊所食首陽  
草也廣志曰有具粱解粱有遼東赤粱魏武帝嘗以作粥尔  
雅曰粟秫也孫炎曰秫黏粟也廣志曰秫黏粟有赤有白者有  
胡秫早熟及麥說文曰秫稷之黏者案今世有黃粱谷秫桑根  
秫搗天梧秫也粱秫並欲薄地而稀一畝用子三升半地良多  
雉尾苗概穗不成種與植穀同晚者全不收也燥濕之宜祀勞  
之法一同穀苗收刈欲晚性不冷落早刈損實



梁

梁今之粟類古不以粟為穀之名但米之有孚殼者皆稱粟今人以穀之最細而圓者為粟則梁是其類內則曰飯黍稷稻梁白黍黃梁稽樵說者曰下言白黍則上是黃黍下言黃梁則上是白梁今梁有三種青梁殼穗有毛粒青米亦微青而細于黃白米也夏月食之極為清涼但以味短色惡不如黃白梁故人少種之亦早熟而收少作餽清白勝餘米黃梁穗大毛長殼米俱麤於白梁而收子少不耐水旱食之香味逾於諸梁人

號為竹根黃白梁穗亦大毛多而長殼麤扁長不似粟圓米亦白而大其香味為黃梁之亞古天子之飯所以有白梁黃梁者明取黃白二種耳今人大抵多種粟而少種梁以其損地力而收獲少耳然古無粟名則是以梁統粟今粟與梁功用亦無別明非二物也梁比他穀取益胃但性微寒其聲為涼蓋是亦借涼音如許叔重說黍大暑而種則以黍從黍梁從涼其義一也古食醬會膳食之宜則犬與梁相副先儒以為犬味酸而溫梁甘而微寒亦氣味相成也梁食之美者故稱膏梁之性難正以其養尊而易驕若歲凶則大夫無故不食梁

尔雅翼

青梁米味甘微寒無毒主胃痺熱中消渴止洩痢利小便益

氣補中輕身延年

本草經

陶隱居云凡云梁米皆是粟類惟

其牙頭色異為分別爾青梁出此今江東少有記勝之書云  
梁是林粟今俗用則不爾唐本注云青梁穀穗有毛粒青米  
亦微青而細於黃白梁也穀粒似青稞而少麤夏月食之極為  
清涼但以味短色惡不如黃白梁故人少種之此谷早熟而收少  
也作饒清白勝餘米

證類本草

白梁米味甘微寒無毒主除熱益氣

本草經

陶隱居云今處

有襄陽竹根者最佳所以夏月作粟食亦以除熱唐本注云白  
梁穗大多毛且長諸梁都相似而白梁谷麤扁長不似粟圓也  
米亦白而大食之香美為梁之亞矣陶云竹根乃黃梁非白

梁也然梁雖粟類細論則別謂作粟食殊乖的称也同上

黃梁米味甘平無毒主益氣和<sub>本</sub>中止洩<sub>本草經</sub>陶隱居云黃梁

出青冀州此間不見有爾唐本注云黃梁出蜀漢商浙間亦種之穗大毛長谷米俱麗於白梁而收子少不耐水旱食之香美逾於諸梁人號為竹根黃而陶注白梁云襄陽竹根者是此乃黃梁非白梁也 同上

圖經曰梁有青梁黃梁白梁皆粟類也<sub>不</sub>著所出州土陶隱居云青梁出北方黃梁出青冀州白梁處皆有蘇恭云黃梁出蜀漢商浙間亦種之今惟京東西河陝間種時皆白梁耳青黃乃稀有青梁穀穗有毛粒晴米亦微青而細於黃

白米也黃梁穗大穀米俱麤於白梁而收子少不耐水旱襄陽有竹根者是也白梁穗亦大毛多而長穀麤扁長不似粟圓也大抵人多種粟而少種梁以其損地力而收穫少而諸梁食之比他穀最益脾胃性亦相似耳粟米比梁乃細而圓種類亦多功用則無別矣其泔汁及米粉皆入藥近世作英粉乃用粟米浸屢日令敗研澄取之今人用去沸滄尤佳

證類本草

青黃白梁米此三種食之不及黃梁青白二種性皆微涼獨黃梁性其平豈非得土之中和氣多耶今黃白二種西洛間農家多種為飭尤佳餘用則不相宜然其粒尖小於他穀收實少故能種者亦稀白色者味淡

本草衍義

黃梁米味甘無毒益氣和中止洩痢去風濕痺其穗大毛長  
谷米俱麤於白梁取子少不耐水旱食之香美逾於諸梁號為  
竹根黃其青白二色微涼惟此甘平豈非得中和之正氣多邪  
食物本草

白梁米味甘微寒無毒主除熱益氣移五臟氣續筋骨止煩  
滿其穗大多毛且長穀麤扁長不似粟圓米亦白而大食之  
香美次於黃梁亦堪作粉 食物本草

青梁米味甘微寒無毒主胃痺熱中消渴止泄利小便益氣  
補中健脾止洩精輕身一云此米醋浸三日百蒸百暴果臠藏  
遠行一食可度數日其谷穗有毛微青而細早熟少收夏月

食之極青涼但味短而澁色惡不如黃白梁故人少種食物

本草

青梁米其谷穗有毛粒青梁皆粟米也味其性寒無毒主  
胃痺熱中止洩痢利小便益氣補中煮汁飲之能解消渴

日用本草

白梁米穗大毛穀粗扁長不似粟圓也米白炊飲食之香美  
主除胸膈中虛熱益氣止吐日用本草

黃梁米穗大毛長穀米俱粗味甘性平無毒主益氣和中止  
洩痢去當風臥濕遇中冷病作飲食之日用本草

梁之類多爾雅苞白苗白梁也又曰蘆寡赤苗赤梁也又有青

梁有黃粱記勝之書曰梁是林栗今俗謂之梁古祭祀所用  
粱盛是也可作飡食及釀酒亦如糯米或云粱亦有粳者其  
謂粱米亦曰黃子草木畧

爾雅

音

赤苗註今之赤粱粟

音

白苗註今之白粱粟

皆好谷疏大雅生民云誕降嘉種維秬維秠維糜維芑蘄與  
糜音義同蘄即嘉谷赤苗者芑即嘉穀白苗者

粱有赤粱有白粱廣雅曰有具粱有遼東黃粱其禾莖葉似  
粟其粒比粟差大其穗帶毛芒牛馬皆不食与粟同時熟  
收割之法一同舂而為米圓滑如珠炊之香美勝如粟米世  
謂之膏粱號食飯之上品也

王氏農書



梁也爾雅云以梁為稷誤也

草木畧

純白齋

葛黍

今所謂芦粟也

葛黍春月種用下地莖高丈餘穗大如帚其粒黑如漆如蛤  
眼熟時刈成束攢而立之其子作米可食餘及牛馬又可  
濟荒又稍延可作洗帚楷稈可以織箔夾籬供饗無有棄者  
亦濟世之一穀農家不可闕也

王氏農書

粟莖葉如薏苡而高亦高鄉所種爾雅注江東呼粟為粱  
今北人所謂屬林有二種杭者穗直而踈糯者穗環而密

松江府志

粟

糯粟即秫

春秋說題曰粟之為言續也粟五變一變而以陽生為苗二變而秀為禾三變而粲然為之粟四變入臼米出甲五變而蒸飯可食宋均註云粟受五行氣而五變故乃成可食陽以一五為法故粟積大一分穗長一尺文以七列精以五五西者金所立米者陽精故西字合米而為粟愚按粟之名不一或因姓氏或因形似隨義賦名故早則有高居黃百日糧之類晚則有鵝脚穀雁頭青之類其餘名字不可徧數今畧載於此齊民要術曰夫粟成熟有早晚苗稈有高下収實有多少質性有彊弱米味有美惡粒實有息耗山澤有異宜順天時量地利則用力少

而成功多任情反道勞而無獲。凡粟田某旦小豆底為上麻  
忝胡麻次之蕪青大豆為下故種粟春種欲深夏種欲淺其  
種時雨後為佳遇小雨宜接濕接大雨待歲生小雨不接濕無  
以生禾苗大雨不待白背濕碾則令苗瘦歲若盛者先鋤一遍  
然後納種佳也若遇早秋耕之地得仰龍待雨春耕者不中也  
夏若仰壟匪直盪汰不生蕪與草歲俱出凡田欲早晚相雜防  
歲道有所宜有閏之歲節氣近後宜晚田然大率欲早田倍  
多於晚早田淨而易活晚者蕪歲難出其收有多少從歲所  
宜非閏早晚早谷米實而多晚谷皮厚米少而虛也泥勝之書  
曰種無期因地為時三月榆莢時雨膏地彊可種禾植禾夏

至後八九十日常夜半候之天有霜若白露下以平明時令兩人持長索相對各持一端以繫禾中去霜露日出乃止如此五谷木稼不傷矣又必待苗生如馬耳則鋤鋤稀豁之處鋤之補之五谷惟小鋤之為良苗出龍則深鋤不厭數周而復始勿以無草而暫停鋤者非止除草蓋地熟而實多糠薄而米息鋤得十遍便得八米也春鋤起地夏而除草春鋤不用觸濕六月以後雖濕亦無嫌呂氏春秋曰其苗弱也欲孤其長也欲相與俱其熟也欲相扶是故三以為族乃多粟族聚也吾苗有行故速長弱不相害故速大橫行必得從行必術正其行通其風也耘苗之法其凡有四第一次曰撮苗第二次曰布第三次曰擁

第四次曰復

俗曰添水

一功不至則糧莠之害枕糠之雜入之矣撮

苗後用一驢帶籠箬挽之初用一人牽之慣熟不用止一人輕  
扶入之二三寸其深痛過鋤力三倍所辦之田日不啻二十  
畝今燕趙合用之名曰薊之食貨志云力耕數耘收穫如盜  
賊之至故熟速刈乾速積刈早則鎌傷刈晚則穗折遇風則收  
減濕積則藁爛積晚則損耗連雨則生耳所以收穫不可緩  
也記曰種而不熟亡而不獲譏其不能圖功攸終也是知收穫  
者農事之終為農者可不趁時致力以成其終而自廢其功  
乎七月詩云九月築場圃十月納禾稼言農功之侈也載芟  
之詩曰載穫穫濟上有實其積萬億及秣夫粟者五谷之長中

原土地平曠惟宜種粟古今穀祿皆以是為差等出納之司皆以是為準則周禮地官曰倉人掌粟入之歲鄭注云九谷盡歲以粟為主故漢太倉之粟陳<sub>氏</sub>相曰充溢露積於外神農之教曰有石城十仞湯池百步帶甲百萬而亡粟弗能守史記曰宣曲任氏之先為首道倉吏秦之敗豪傑皆爭金玉而任氏獨積倉粟楚漢相距滎陽民不得耕種米石至百金而豪傑金玉尽歸任<sub>氏</sub>任<sub>氏</sub>以此起富所以凶年飢歲雖隋侯之珠不易一鍾之粟也由此言之粟之於世豈非為國為家之寶乎

王氏曲盡書目

粟爾雅曰稷顆粒細於諸梁江東呼為梁札曰明梁有黃白二

種八閭通志

粟米味鹹微寒無毒主養腎氣去脾胃中熱益氣陳者味苦  
主胃熱消渴利小便本草經陶隱居云江東所種及西閭皆是  
其粒細於梁米熟舂令白赤以當白梁呼為白梁粟陳者謂經  
三五年者或呼梁音客米以作粉尤鮮煩間服食家亦將食之  
陳士良云粳粟米五谷中最硬得漿水即易化解小麥虛熱  
證類本草

粟米即秬粟也秬米即粳粟也日用本草

粟米味鹹氣微寒無毒主養胃氣去脾胃熱益氣陳者味  
苦主胃熱消渴利小便止痢厭食丹石主毒鮮小麥主毒者煮粥性



煖初生小兒研細煮粥如乳每少與飲之助穀神達腸胃甚佳不可與杏仁同食令人吐泄粟類多種此則北人所常食者是也又春為粉食主氣弱食不消化嘔逆解諸毒又蒸作糗食味甘苦寒又云酸寒主寒中除熱渴解積食大腸一種糯粟即林也 食物本草

秫米味甘微寒止寒熱利大腸療漆瘡 本草經 陶隱居云此

人以作酒及煮糖者肥軟易消方藥不正用惟嚼以塗漆及釀諸藥膠唐本注云此米功用是稻秫也今大都呼粟糯為秫稻秫為糯矣北土亦多以粟秫釀酒而汁少於黍米粟秫應有別功但本草不載凡黍稷粟秫杭糯此三穀之仙 音林

也臣禹錫謹按顏師古刊謬正俗云今之所謂秣米者似黍米而粒小者耳亦堪作酒孟詵云秣米其性平能殺瘡疥主母熱擁五藏氣動風不可常食北人往上有種者代米作酒耳衍義曰秣米初擣出淡黃白色經久色如糯用作酒者是以米亦不堪為飮最粘故宜酒

證類本草

粟有早粟大粟草粟數種

九江府志

黍似粟而大

同上

黃粟黑粟

溫州府志

杭粟有烏頭半夏二種稷粟有羊角魚葉二種五縣俱同

四明郡志

狗尾粟鴨脚粟出瓊州

瓊州府志

黍之類

俗呼為粟

木粟

寒粟

草粟

毛櫟粟

成州粟

牛繩粟

觀音粟

青稗粟

狗尾粟

紅糯粟

見武寧

志武寧屬江西南昌府

粟米即秬粟也味鹹性寒無毒陳者味苦解小麥毒養

腎去脾胃中熱益氣解虛熱利大小便與杏仁同食令人吐

馮煑粥性暖

日用本草

爾雅曰衆

結

林註謂秬粟也疏衆一名林謂秬粟也說文云

稷之黏者也與穀相似米黏比人用之釀酒其莖稗似禾而

麤大者是也

秫米味甘微寒熱利大腸療漆瘡殺瘡疥毒熱擁五臟氣  
動風作飯最黏惟可作酒汁亦少

食物本草

秫米卽稷粟也味甘微寒性平無毒不可常食主止寒熱利  
大小腸殺瘡疥動風氣迷悶人細嚼以涂患漆瘡及犬咬  
凍瘡

日用本草

粟與梁相類其顆粒大者爲梁小者爲粟今人多不能辨之  
本草唐本注粟類多種而並細於諸梁北土常食陶隱居  
謂粟春白當白梁又謂或呼粟爲梁蓋梁是稷乃稂之  
異名也按此則隱居亦不識粟矣

邵武府志

爾雅曰粱稷註今江東人呼粟爲粱疏曰左傳云粱食

不斲粢者稷也曲礼云稷曰明粢是也郭云今江東人呼粟為  
粢然則粢也稷也粟也正是一物而本草稷米在下品別有  
粟米在中品又似二物故先儒甚疑焉

禾

廣雅稻穗曰禾說文禾嘉谷遇木生而五故始生於二月金  
王而死故熟於八月得時之中故謂之禾

穀部第三

稻 水稻 旱稻 秈稻 再熟稻 糯稻

稻米粒如霜性尤宜水故五穀外別設稻人之官掌稼下地以  
豬畜水以防止水以溝蕩水以遂均水以列舍水以漕瀉水以  
涉揚其芟作田而漢世亦置稻田使者以其均水利故也古者  
之於穀菽與苴以食農麥以接續至於食稻衣錦則以為生人  
之極樂以稻味尤美故也稻一名稃然有黏有不黏者今人以  
黏者為糯不黏者為秈然在古則通得稻稃之名說文曰稻稃  
也沛國謂稻曰稃奴切秈稻屬或作粳是則苴以稃為稻耳若  
鄭康成注周禮稃稃也則稻是稃然要之二者皆稻也故記勝

之書云三月種秔稻四月種秣稻字林云糯黏稻也秔稻不黏者今人亦皆以二穀為稻若詩書之文自依所用而解之如論語食夫稻則稻是粳月令秣稻必齊則稻是糯周礼牛宜稌則稌是秔豐年多黍多稌為酒為醴則稌是糯又稻人之戡掌稼下地至澤草所生則種之芒種是明稻有芒有不芒者今之粳則有芒至糯則無是通得稱秣稻之明驗也然說文所謂沛國謂稻曰稌至郭氏解雅稌稻乃云今沛國稱稌不知說文亦豈謂此稌訛為稌耶將与郭自異義也又有一種曰秣比於稌小而尤不黏其種甚早今人號秣為早稻粳為晚稻蘇氏云粳一曰秣亦未必然也又今江浙間有稻粒稍細耐水旱而成實早作

飯差硬土人謂之占城稻云始自占城國有此種真宗聞其耐旱遣以珍寶求其種始植於後苑後在處播之按國朝會要大中祥符五年遣使福建取占城禾分給江淮兩浙漕并出種法今擇民田之高者分給種之則在前矣

爾雅翼

稻爾雅曰稌稻說文謂稻為粳換稌屬也粳畧林字林云粳粘稻而粳稻不粘今之食米皆粳稻陳酒則換稻也其名品皆甚多而八郡所呼又名不同不能悉載茲特取其大者

八郡謂福州興化泉州

漳州汀州邵武建寧延平

早稻春種夏熟晚稻蓋早稻既獲再插至十月

而熟者其米皆有紅白二色宋馬益詩云雨熟潮田世獨無蓋謂是也大冬稻米亦有紅白二色春種冬熟歲惟一收然其所



獲身歲二熟者亦差相等占城稻無芒而粒細湘山野錄云宋  
真宗以福建田多高仰聞占城稻耐旱遣使求其種得十石以  
遺其民使蒔之三山誌謂其有早晚二種邵武志謂其種有六  
十日可獲者有百日可獲者今八郡皆有之稜稻之圃植者春  
種九十月熟有芒米有紅白二色味香自福以南四郡皆有植  
之者然不多也已上俱粳稻早秣与早稻同熟晚秣与晚稻同  
熟大冬秣与大冬稻同熟已上俱粳稻八閩通志

稻有秣多葉少穗石田畏旱惟宜此種耳

雲石志

黃粒稻穎芒肥粒色殷香軟金地藏自新羅國帶其種至化城  
寺有之

九華志

成化初郡人有戍雲南者得安南稻一種五月先熟米白出漳  
州八閩通志

陳廩米味鹹酸溫無毒主下氣除煩渴調胃止洩瀉又云廩米  
有粳有粟諸家並不說何米然二米陳者性冷類食人自利  
此說與上經異稍戾食物本草

香稻米味甘軟其氣甜香可愛有紅白二種又有一類紅長者  
三粒僅一寸許比他穀晚收開胃益中滑澁補精但人不常食  
亦不多種也食物本草

粳米即晚米也味甘苦惟平無毒煮之不益脾胃熟佳主益氣  
解煩止洩斷痢長肌肉補中益腸胃安和五臟不可合蒼耳食

令人卒心痛或成走注合馬肉食發痼疾

日用本草

稻米即稗米性休多粘可作酒味甘苦性微寒無毒主溫中令人多食熱大便秘益氣能行栗衛中血米食不可與酒共食醉雖醒妊娠與雜肉同食不利子久食人身軟四肢不收昏多睡發風動氣癰疽瘡痛擁諸經絡氣解羌青毒

食物本草

陳倉米軍倉中陳赤者用以釀醋為妙味鹹酸性溫無毒主下氣除煩渴調胃止洩痢澀腸補中益氣和馬肉食發痼疾和蒼耳食卒心痛

食物本草

宋宣德卽曾按止禾譜其叙正名有曰稻有總名有複名有散名曰穀云者率凡種以爲言洪範曰百穀用成大宰曰三農生九谷孟子曰五谷熟而人民育今江南呼稻之有稃者曰稻穀黍之有稃者曰黍谷而不及麻菽者以禾爲主也曰粟云者谷之未成禾者也許氏曰粟二十斗爲米十斗穀爲禾六斗大半斗曰粳今西昌呼稷爲粟者稷爲粟長通稱之也二者猶爲谷粟之總名而已稻之所以爲稻禾之所以爲禾一類之中又有總名焉曰稻云者兼早晚之名大率西昌俗以立昌春芒種節種小暑大暑節刈爲早稻清明節種寒露霜降節刈爲晚稻自類以推之有秔有糯其別凡數十種詩曰浸彼稻由司徒之屬

以稻名官皆奉一以槩見也曰禾云者奉中之言也許氏曰二月而生八月而熟得時之中故曰禾二月生則立春清明在其間矣言八月熟則寒露霜降在其間矣賈思勰曰二月三月種為植禾四月五月種為穉禾許氏曰植早種也穉晚種也以二月三月種為植則今江南早晚種率以正月二月種之惟有閏月而春氣差晚然後晚種至三月始種則三者猶禾為早種也以四月五月種為穉則今江南蓋無此種詩曰彼有不穫穉許氏以為幼禾而今江南再生禾亦謂之女禾宜為可用禾知賈氏何以有是說此總名之辨也詩曰豐年多黍多稌食醫曰牛宜稌康成曰稌稻也郭璞曰沛國人謂稻為稌蓋一物而方言

異此複名之辨也詩曰黍稷種稂司稼掌辨種稂之種也毛鄭  
郭璞等曰先而種而後熟曰種後種而先熟曰稂今江南有黃  
稂禾者大暑節刈早種畢而種霜降節未獲晚種而熟詩曰維  
糜維芑又曰薄言采芑康成曰糜赤苗也芑白苗也郭璞曰糜  
赤苗粟也芑白苗粟也以江南早晚種較之早種如六月白晚  
種如白圓禾之類其穀芒皆赤豈非所謂糜耶許氏曰稻紫莖  
不黏白稂今江南晚種中有所謂紫眼禾者其葉當節處有紫  
色抑亦許所謂稂也欵又曰芒粟曰穰今西昌早晚種之自稻  
禾而外多有芒者抑亦許所謂穰也欵今西昌晚種中亦有所  
謂穰稻禾者其谷無芒蓋名同而實非此散名之辨也百谷之

種其畧見於經其備見於今其如或產於中國或生於四夷今  
西昌早種中有早占禾晚種中有晚占禾乃海南占城國所有  
西昌傳之才四五十年推今驗古此其類也賈勰乃引周書曰  
神農氏世天雨粟神農耕而種之此小說之繆不可用而其叙  
土宜有曰按禹貢揚州厥土塗泥厥田上中厥賦上、有按職  
方氏揚州長沙為切境而古之安福縣在漢長沙為安成則古  
之壤正當古荆揚之交職方氏二州皆宜稻而古在其兩間兼  
二州之美禹貢而州之土惟塗泥宜稻人亦曰掌稼下地則下  
地者塗泥之所在為種稻之宜也然禹貢揚州田第九賦第七  
荊州田第八賦第三者亦以人力修故也惟其壤有駢緹墳澤

之異鴻勃壚槩之殊故其種亦有早晚大小之不同堅弱精拙之不一或一物而被此有異名或所稱歲近而俗音有訛正則宜其顛倒錯亂而難便今之見於譜者尚記西昌大畧而已泰和縣志

舊志吳俗以春分節後種大暑節後刈者為早稻芒種及夏至節後種白露節後刈者為中稻夏至節後十日內種至寒露節後刈者為晚稻過夏至後十日種不生矣今吾松最早必交立夏節其或雨水不時大暑後種者亦生但不盛耳東鄉遲種而早收西鄉蚤種而晚收風土之不同如此然稻之晚者必佳種也

續清松江府志



爾雅稌稻註今沛國呼稌音杜別二名也詩周頌云豐年多黍  
多稌禮記內則云牛宜稌函風七月云十月穫稻是一物也素  
說文云沛國謂稻為糯抗稻屬也字林云糯粘稻也抗稻不粘  
者本草以粳米稻米為二物抗與粳古今字然抗糯甚相類粘  
不粘為異耳依說文稌稻即糯也江東呼糯乃乱切

## 水稻

稻之名不一隨人所呼不必縷數有粳秣之別粳性疎而可炊飯秣性粘而可釀酒然非水則無以生故種藝之法宜選上流出水便其性也春秋說題曰稻之為言籍也稻舍水盛其德也稻太陰精含水漸如乃能化也淮南子亦曰江水肥而宜稻南方下土塗泥皆宜水種治稻者蓄陂塘以瀦之置堤閘以止之故周官制典稻人掌稻下地以瀦蓄水以防止水齊民要術云三月種者為上時四月上旬種者為中時中旬種者為下時先放水十日後曳碌磳十遍地既熟淨淘種子漬經三宿漉出納草席中裹牙長二分一畝三斗種之苗長陳草復起以鎌侵水

芟之稻苗漸長復惟穉之穉訖去水曝乾根令堅強時水旱而  
 溉之又有作為畦埂耕耨既熟放水勻停擲種於內俟苗生五  
 六寸枝而秧之今江南皆用此法苗高七八寸則耘之耘畢放  
 水煬之款秀復用水浸之苗既長茂復事穉拔以去根莠○農  
 家收穫尤當及時江南上雨下水收稻必用耨杆笊架乃不遺  
 失蓋刈早則未青而不堅刈晚則零落而損收又恐為風雨損  
 壞此九月築場十月納稼工夫次第不可失也大抵稻穀之美  
 種江淮以南直徹海外皆宜此稼春而為米潔白可愛炊為飯  
 食尤為香美孔子云食夫稻衣夫錦蓋食之於稻衣之於錦無  
 以加也故生蓄積而禦飢國家饋運而濟乏誠穀中之上品世

間之珍藏也 王氏農書

稻有二有早稻有晚稻春種夏熟者早稻也夏種秋熟者晚稻也  
晚稻玄穗而脩芒雨不足則藝之又有秣示數種以用釀酒廬  
陽客記

鄂都稻名重思米如石榴子杜瓊重思賦曰霏、秋雨翠矢重  
思靈氣交被嘉穀應時 酉陽雜俎

早稻三月種六月熟晚稻六月種十月熟大冬稻春種冬熟以  
上俱粳米有紅白二色可為飯秣為糯米有早秣晚秣大冬秣  
種與諸稻同用以釀酒 漳州府志

旱稻

稻之名一而水旱之名異蓋水稻宜近上流旱稻宜槩如  
田齊民要術曰凡下田停水處燥則堅垆濕則汚泥難治而

易荒境埔而穀種其春耕者穀種尤甚故宜五六月時膜之以擬大麥時水滂不得納種者九月之服一轉至春種稻爲不失一凡種下田不問秋夏候水尽地白時速耕耙耨頻翻令熟二月半種稻爲上時三月爲中時四月初及半爲下時漬種如法袞令開口棲耕掩種之即再過耨苗長三寸耙耨而鋤之鋤惟欲速每經一雨輒欲耙耨苗高尺許則鋒天雨無所作宜冒雨薅之科大如概者五六月中霖雨時拔而栽之餘法悉與下田同今閩中有得占城種稻高仰處皆宜種之謂之早占其米粒而且甘爲早稻種甚佳土方水源頗少惟陸地霑濕處種稻其耕鋤薅拔一如前法一種有小香

稻者赤芒白粒其米如玉飯之香美凡祭祀延賓以為上饌蓋貴其罕也 王氏農書

粳米味甘苦平無毒主益氣止煩止洩 本草經 陶隱居云此即人常所食米但有白赤小大異狀四五種尤同一類也 證類本草  
粳米白晚米為第一早熟米不及也平和五歲補益胃氣其功莫速然稍生則復不益脾熟則佳 本草衍義

粳米味甘苦平無毒主益氣止煩止洩痢壯筋骨通血脈和五臟補益胃氣其功莫及小兒初生煮粥汁如乳量與食開胃助穀神甚佳合芡實煮粥食之益精強志耳目聰明新者下食亦少動風氣陳者更下氣病人尤宜服蒼耳人食急痛有早中晚

三收以白晚米為第一各處所產種數甚多氣味不能無少異而亦不大相遠也天生五谷所以養人得之則生不得則死此其得天地中和之氣同造化生育之功故不比他物可名言也本草所主在柔故畧耳食物本草



杭稻

箭子稻米粒庾長尖細雪色味香其九月熟蘇州府志

箭子稻粒庾長雪色味香其晚熟稻品之至高者姑蘇志

香子稻米色斑雜粒小而長若以三五十粒入他米三四升炊

之芬芳可愛然不可多用常熟志云香稻蘇州府志

紅蓮稻從古有之陸魯望別墅懷居詩云遙為晚花吟白菊近

炊香稻識紅蓮至今以此為佳種中吳紀聞

紅蓮稻自古有之陸龜蒙別墅懷歸詩云則唐人已書此米

中間絕不種二十年来農家始復種米粒肥而香吳郡志

紅蓮稻五月種九月收皮赤崑山志謂米半有紅粒味香

蘇州府志

### 再熟稻

再熟稻一歲兩熟吳郡賦鄉貢再熟之稻蔣堂登吳江亭詩云  
嚮日卓青牛引犢經秋田熟稻生孫注云是年有再熟之稻細  
考之當在皇祐間今田間豐歲已刈而稻根復蒸苗極易長旋  
復成實可掠取謂之再撩稻恐古所謂再熟者即此吳郡志  
稻經獲再生者名稻孫鄭熊番禺雜記

穠極稻五月種九月熟皮莖俱白米色斑粒長性硬或以勝紅

蓮云盧志

六十日稻三月種五月熟米色白小同上

六十日稻四月種六月熟米小色白遲至八十日熟又名早紅

遲又云救公饑王志

百日赤稻三月種六月熟芒赤米白盧志

百日赤四月種六月熟赤米小而白王志

稻公揀稻米圓無斑近歲多種有早晚二種盧志

早稻即占城稻其法南方地煖二月中旬至三月上旬用竹籠

周以稻稈置稻種其中約五斗許又覆以稈入池浸三日伺微

熱如甲拆狀則出而布於地及苗與穀等別用寬竹器貯之於

耕過田細土停水二寸許布之三日決去水至五日伺苗長二

寸許復引水浸一日乃插蔣至八月熟刈後若頻得雨佳。再  
生所謂再熟稻是也

麥爭場稻三月種六月熟言稻早熟與麥爭登場也盧志

小秈禾即秈禾三月種六月熟豐家蒸穀礱米賴以續食又一  
種大秈禾俗謂晚色四月種八月熟同上

早白稻一作小白五月初種八月熟皮芒白米赤又一種曰晚  
白或作大白九月熟同上

王志云晚白一名蘆花白

閃西風稻又名早中秋八月半熟盧志

王志云中秋稻四月種八月熟

紫芒稻崑山有之盧志

紫芒稻五月種九月熟紫穀白粒張方平詩云鱸膾飯紫芒王志

雪裏揀稻常熟有之盧志

雪裏揀捍軟有芒粒大色白王志

早烏稻五月種九月熟皮赤米白又一種名晚烏盧志

烏鬚稻或作烏珠早者五月種九月熟晚者十月熟盧志

師姑粳稻即矮稻五月種九月熟無芒米白又名光頭白同上

上稈青稻或名火稻青苔又名靠山青五月種九月熟稈青米

白同上

金城稻高田所種米紅而粒尖性硬今呼為赤米谷之下品者

同上

金城稻四月種七月熟平志

烏口稻色黑熟最晚亦下品也盧志

烏口稻再蔣晚熟亦下品也王志

烏兒稻或云烏賦稻五月種十月熟稈白芒黑米白即晚烏也盧志

枇杷紅皮薄色如枇杷王志

下馬看秀時最易一名三朝齊同上

六十日稻三月種五月熟  
米色白小

百日赤三月種六月  
熟芒赤米白

小仙一名早秈三月  
種七月熟

香抗七月熟米粒小而性柔類糯  
有紅芒白芒二種又一種曰

香子色斑粒小以三五十粒入他米數升炊之芬芳可愛然不宜多亦謂之香粒

大仙即晚秈四月種八月熟

早白稻一名小白五月初種

早中秋一名閃西風八月半熟米白而大

中秋稻四月種八月熟

晚白稻一名大白九月熟

箭子稻粒長而細白味甘香稻之上品九月熟

紅蓮稻五月種九月熟皮赤陸龜蒙詩遙為晚香吟白菊近炊

香稻識紅蓮即此

羅稭稻五月種九月熟皮莖俱白米色斑粒長性硬或以為勝

早烏稻五月種九月熟皮赤

紫芒稻五月種九月熟

深水紅六月種九月熟

金城稻高田所種米紅而尖性硬今呼為赤米穀之下品固

語註謂米之姦者

烏口稻色黑晚熟耐水與寒今呼為冷水結亦下品也

以上粳稻松江府志

秋風糯

即冷粒糯種宜良田大暑節可刈得黃米白粒圓色最難煮每歲代晚稻輪租故一名謾官糯不宜釀酒

金釵糯

米粒長最宜釀酒法得俸吳米好三月種七月熟

趕陳糯

四月種七月熟米粒最長

小娘糯

四月種八月熟不耐風水故名

矮兒糯

四月種九月熟粒白而大

蘆黃糯

即晚糯粒大色白芒長熟最晚色易變釀酒最佳今

俗名泥裏煮

羊鬚糯

四月種九月熟較多芒長

羊脂糯

五月種十月熟色白性軟故名

鴛鴦糯

以上糯稻同上



蚤穀有駝犁回留姑早王臥早六十日九十日等名

白穀有竹了占蘆花白大白穀等名

紅穀有鴨脚秈柳條赤等名

晚稻米白而質賦種後晚生

烏穀殼黑而多芒五月始種晚生耐旱

芒種一名種穀有烏白二種

糯穀有早糯紅穀糯黃金糯粳鷄糯穀種

已上見九江府志

白散多毛色白其熟最早六月即穫然非上穀所種不多

地暴有紅白二色粒尖細以七月穫

水稜一曰小青粒大純赤

占城相傳自占城國得種故名最耐旱有紅白二色

軟稗色白粒大而味甘以八月穫。后其根復苗無異初稻謂之朶朶稻亦曰二稻以十月穫佃者以先穫入租而以后穫自贍及償他負其實出於一根而有早晚之異蓋非土力有余沃不能全也

朶稻見上

百箭芒勁如箭寄種軟稗

白西芒白

龍秣粒大米白尤甚

嘉晚無芒

早糯一曰大糯以八月早熟鄉人仰此為新酒然未受霜味弱不可以造經冬之酒

辦白粒最大而未極白以十月穫

晚糯粒大而堅以十月穫欲造隔年凍醪非此糯不可其名不一有黃糯烏糯白糯矮糯

紅羅障穎赤故名

金裹銀穀赤米白故名即地暴米之白者

金水糯即冷水糯宜山田種之

青糯初冬有穫

已上見溫州府志

六十日早

大糯

小糯 已上俱建安產

龍鳳早 建安既寧

半冬白

師姑早

九里香

浦城建安既寧 崇安

大早

小早 已上建陽浦城松溪壽寧四縣產

天降早 建安建陽產

爛泥早

七娘禾

小白禾

大白禾

小烏禾

大烏禾 已上俱建陽產

野猪愁

無芒秣

真珠粟

麻子秣

已上俱建陽崇安產

公婆秣

建陽崇安壽寧產

銀硃秣

建陽浦城崇安產

早禾

白禾子

烏禾子

厚芒秣

下馬看

已上俱崇安產

白芒

黃穀

已上俱城松溪壽寧產

粳穀

白秣早

烏龍牙

已上俱浦城產

紅糟秣

浦城松溪產

鋪地錦

溫州早

吳家傳

大師姑

小師姑

青絲禾

荔枝禾

猴毛秣

烏節秣

重陽秣

白芒秣

已上俱松溪產

烏牙秣

松溪壽寧產

已上俱見建寧府志

黃蠶糯

光頭糯

香糯

黃鷄糯

赤米糯

出崖州

烏雅糯

香梗稻

鼠齒稻

粘稻

山禾

烏芒稻

珍珠稻

東海稻

早禾

已上俱出瓊州府志

黏穀六

青黏

黃黏

冷水黏

鼠牙黏

番黏

種得之番船

交趾黏

種得之交趾

稻穀六

白稻

黃稻

八月稻

大禾稻

烏穉

早穀 即徭人刀耕火種畬田所出

烏豚糯

斑奧糯

安南糯

種得之交趾

糯穀

白糯

黃糯

翻土糯

黃奧串

蕉糯

油糯

杭

已上俱出廣州府志

杭稻共十九種

早黃 大白 細白 烏撒 細撒 占城

金城 大赤 赤撒 矮白 晚青 光粳

細稈 冷水紅 太倉紅 鴈來烏 湖州晚以上五縣同

早雪 產象山

糯稻共十七種

早粳 晚粳 黃粳 赤粳 青稈粳 九日粳

白粳 丁香 麻粳 紅粳 雉鷄粳 烏撒粳

以上五縣同

朱口粳 鉄粳 虎皮粳 以上產慈溪

黃香稷

產奉化

烏稷

產象山霜降熟

以上俱見四明郡志

界稻十一月種次年四月收成兩界於兩年之間

甯陽郡志

早稻

中稻

晚稻

黃稻

白稻

早糯

八月糯

縮頭糯

烏糯

秈粟

糯粟

黃稭

蘆粟

以上俱見武義志

住馬香

黃穀早

烏早

早占

占城所傳

歸土

小赤

大早

赤米

稻禾

早稻

六月白

黃蔭雷

女兒紅

紅桃仙

以上皆早稻凡十四種

八月白

稻禾杭



土雷 黃桂 紫眼 蜜穀烏 矮赤杭 烏子

大黃 稻禾以上皆晚杭九十種 黃抱 黃糯

赤稻 白稻 烏糯以上皆早糯九五種 竹枝

臘脂 小蕉 青蒿 大烏 白糯 大菽

秋風 大蕉 矮藁 青藁 龍爪 馬蹄以上皆晚糯九十三種

已上見泰和縣志

稻之類 百日黃 大穀早 赤穀早 君行早 臨江早

望暑白 紅穀已上俱七月熟 黃泥秈 稜子秈 白糯已上俱八月熟

寒秈 晚赤 晚糯 苦株糯 黃絲糯已上俱九月十月熟

右見武寧志

穀之屬有早稻 六月熟

紫口 甲紫微紫粒細

朝穰 俗謂之老了烏

麋稈

細珠

早白黏

晚白黏

越人謂料水白 歲遇甚潦輒芒為黏

餘杭白

粒圓白俗傳種自杭來故名

稚蒙

粒麋而黏最種自杭來故名

榘糯

青稈糯

水鮮糯 八月早熟

羊鬚糯

胭脂糯

蚕黃黏

黃穀糯 以上俱秣類 山陰志

穀之屬有救公飢

三月種五月熟他種青黃不接而此種先可食故云可以救公飢也

六十日占

種入地僅四月而熟故名未粒小而純白

白沙占

三月種六月熟米色白圓而大

大穀占

細穀占

二種以粒大  
小異名耳

中早

進於六十日占  
而早於白沙占故名

池州占

龍牙占

油麻占

麻陽占

冬占

谷粒似早占而毛刺長各種俱出占城國故名  
宋太中祥符中使田福進至占城收三萬斛  
并種法故江淮間多種之

八月白

晚稻極早熟者香白尤可貴又名銀珠米韓  
駒詩起炊曉甑八月白是也

白粳米

即秧也字林云稻之粘者為粳冷齋詩白粳  
留滯汝江濱是也

青絲粳

四月種九月熟  
米色溫潤而白

赤珠粳

色純紅而堅

鉄脚粳

米性堅而難  
煮新城尤多

重陽糯

應節候而  
熟故名

占禾糯

占早稻  
同熟

青油糯

谷粒白  
而未長

老人糯

毛刺長  
而谷赤

右見建昌府志

稻米味苦主溫中令人多熟大便堅

本草經

陶隱居云道家方

藥有俱用稻米粳米此則是兩物矣云稻米白如霜又江東無此皆通手粳為稻耳不知其色類復云何也唐本注云稻者糲稻通名爾雅云稌音稻也粳者不糯之稱一曰秠泥勝之云秠稻三月種粳稻四月種秠稻即並稻也今陶為二事深不解也今按李含光音義云按字書鮮粳字云稻也鮮稻字云稻屬也不粘鮮音粳字云稻餅也明稻米作粳蓋糯米耳其細糠白如雪粒大小似粳米曰体性粘滯為異然今通呼粳糯穀為稻所以惑之新旧注殆是臆說今北稻米即糯米也又檢粳粳二字同音蓋古人當分別二米為殊耳臣禹錫等謹案爾雅云稌音秠

曰別二名也郭云今沛國呼稌詩周頌云豐年多黍多稌禮記  
內則云牛宜稌豳風七月云十月穫稻也一物也說文云沛國  
為稻為糯抗稌屬也字林云糯粘稻也抗稻不粘者然抗糯甚  
相類粘不粘為異耳依說文稻即糯也江東糯乃亂顏師古刊  
謬正俗云本草所謂稻米者今之粳米耳陶以粳為秣不知稻  
是糯故說之不曉許氏說文解字曰秣稷之粘者稻稌也沛國  
謂稻為秣又急就篇云稻黍秣稷左太冲蜀都賦云粳稻漢  
益知稻即粳其粳並出矣然後以稻是有芒之穀故於後或通  
呼抗粳總謂之稻孔子曰食夫稻周官有稻人之職漢置稻田  
使者此並指屬稻稻之一色所以後人混粳不知稻本是粳耳

證類本草

稻米今造酒者是此水田米皆謂之稻前旣言粳米即此稻米  
乃粳稻無疑溫故可以為酒、為陽故多熱又令人大便堅非  
糯稻孰能與於此西城記天竺國土得熱稻歲四熟亦可驗矣  
本草衍義

糯米味甘溫無毒主溫中令人多熱大便堅此本草經文也  
諸家有云性微寒妊娘與雜肉食不利于久食身軟以緩筋也  
又云寒使人多睡奔風動氣擁經絡氣止霍亂又云涼補中益  
氣行榮衛中積血所論蓋不同也夫所謂不利緩筋多睡之類  
以其性慳所致若謂因其性寒糯米造酒最宜豈寒乎農家於

冬月用作糲喂牛免凍傷最驗是則糯米之性當如經文所言  
食物本草

稻水谷也有秔有粳有一年一收者有一年兩收者一收者謂  
之大冬其米顆大莆人種之廣兩收者春種夏熟為早稻秋種  
冬熟為晚稻其米亞於大東莆人種之少蓋莆地瘠用糞多較  
之兩收為利與一收同湘山野錄云真宗就福建取占城穀給  
江淮兩浙令擇民田之高仰者種之此穀耐旱今按畬穀亦耐  
旱然須伐山作畬其地肥乃長不二三年地力衰歇則又他徙  
此非平地農氏所能也興化府志

稻爾雅曰秣稻說文謂稻為粳粳秣屬也粳亦名秣字林云粳

粘稻而粳稻不粘今之食米皆粳稻釀酒則粘稻也粳稻有六  
十日可穫者有百日可穫者其米有紅白二種湘江野錄謂其  
種得於占城皆早稻也粳稻有八月熟者曰早粳其春種冬熟  
者曰晚粳米亦有赤白二種本草注云其性溫故以為酒也大  
抵粳稻粳稻其名品皆甚多而土俗所呼又各不同不能悉載  
今特志其大槩如此

即武府志

圖經曰稻米有秈稻有粳稻舊不載所出州土今有水田處皆  
能種之秈糯既通為稻而本經以秈為粳米粳為稻米者謹按  
爾雅云秈稻釋曰別二名也郭璞云沛國呼秈詩頌云多黍多  
稌禮記內則云牛宜稌豳詩云十月穫稻也一物也說文解字



云沛國謂稻為粳粳稌屬也字林云糯粘稻也粳稻不粘者今人呼之者如字林所說也本經稱號者如說文所說也前條有陳廩米即粳米以廩軍人者是也入藥最多糯米性寒作酒則熱糟乃溫平亦如大豆與豉醬不同之類耳

證類本草

稻有粳粳二種古人謂糯為稻五穀之類皆有粳糯粟之粳曰梁曰粱黍之糯曰秫曰衆爾雅云衆秫是也顏師古刊謬正俗曰本草所謂糯米者今之粳米也又說文云沛國謂稻為粳器洛下稻田亦多土人以稻之無芒者為和尚稻亦猶浙中人呼師婆粳其實一也

曲洧旧聞

本草註糯米為稻米累朝釋畧数千言無一字言堪為酒正如

白氏六帖錄禽遺大鵬也畫慢錄

糯稻

謾官糯稻即冷粒粳種宜良田大暑節可刈稈黃米白粒圓俗傳未易變色每歲代晚稻以輸租故名不宜釀酒糟多而味亦不佳盧志

秋風粳一名謾官糯王志

金釵糯稻米粒長最宜釀酒得酒倍多劉夢得詩云酒法得傳

吳米好三月種七月熟盧志

青稈糯稻四月種九月熟宜良田稈黃毛赤米白已熟而稈微

青故名同上

蘆黃糯稻粒大色白芒長熟最晚色易變即晚糯釀酒佳 同上

師姑糯稻粒甚大穀無芒故名 同上

羊鬚糯稻四月種九月熟穀多芒長 王志

川梗糯稻四月種九月熟粒大無芒 同上

矮糯晚熟一名矮兒糯粒白而大四月種九月熟 同上

鐵梗早黃糯 盧志

趕陳糯早糯也 盧志 四月種七月熟米粒最長 王志

閃西風一名早中秋 王志載在糯稻中而盧志載在糯稻中容考

羊脂糯五月種十月熟色白性軟故名 王志

鵞脂糯張方平詩鵞脂酒青醪 同上

虎皮糯五月種十月熟也斑

同上

臘脂糯五月種九月熟穀紅粒白

同上

界稻十一月種次年四月熟

一統志  
雷州